

Michael Lampe ta fortalece relacion diplomatico y cultural di Aruba cu Hulanda na Dutch Culture

MICHAEL Lampe, Diplomático Cultural di Aruba y Representante Special pa Diplomacia Cultural, a haci un bishita oficial na e organisacion pa Relacionnan Internacional di Cultura, Dutch Culture na Amsterdam pa un reunion cu Directora Drs. Kirsten van den Hul. E reunion aki ta representa un paso importante pa fortalece diplomacia cultural entre Aruba y Hulanda.

E reunion a concentra riba diaspora, intercambio cultural y cooperacion internacional como pilar central di e strategia di diplomacia cultural di Aruba. Tambe a explora oportunidadnan pa colaboracion pa industria creativo y visibilidad internacional pa nos voznan cultural di Aruba y Caribe.

Durante e bishita, Directora Drs. Kirsten van den Hul di Dutch Culture a felicita Sr. Lampe den su rol nobo, y a expresa su alegria di mira Aruba tuma e paso importante aki: “Nos ta contento di mira Michael Lampe den e rol aki y nos ta felicite. Fortalece diplomacia cultural entre Aruba y Hulanda ta esen-



cial, y nos ta contento pa traha hunto cu Michael den su rol nobo” segun Directora Drs. Kirsten van den Hul di Dutch Culture.

Sr. Lampe a enfatisa cu diplomacia cultural di Aruba ta e brug entre islanan, diaspora y partnernan internacional: “Cu orguyo mi por bisa cu nos cultura tin un balor inmenso y pa medio di fortalece partnernan cu Organisacionnan importante manera DutchCulture, nos ta muestra cu Aruba ta un isla chikito cu por contribui na innovacion, resiliencia y formacion di identidad den area di cultura riba un escenario mundial,” Lampe a bisa.

Organisacion di estudiante SIB a bishita Gabinete di Aruba



UN delegacion di SIB-Leiden a haci un bishita na Gabinete di Aruba. Nan a wordo ricibi pa directora di Gabinete di Aruba Joselin Croes LL.M/M.Sc y Jennifer Sneek di departamento di Enseñansa di Gabinete di Aruba.

SIB-Leiden ta un organisacion pa estudiante pa mas cu 78 aña y nan meta ta pa e studiantenan na Leiden haci conoci cu mundo y cu mundo cera conoci cu e estudiante. Pa binti aña caba SIB-Leiden ta organisa encuentro y combersacionnan cu diplomaticonan for di mas cu sesenta pais riba e asina yama famoso “Japanese Tafeltjes Avond”.

E bishita na Gabinete di Aruba ta den cuadro di amplia nan conocimiento tocante Aruba y tambe haya mas informacion riba e tarea y funcion di Gabinete di Aruba.

Potretnan cortesía: Gabinete di Aruba